

Fouxcauhyangz Bouxcuengh:

Dujva Ronghlwenq Minghhoengh Yisuz Daegbied

壮族朝阳舞：独具艺术魅力的奇葩

□ Siengsenh



▲ Cuengqcae q saenzlingz mbaenj vuenyungz.



▲ Fouxcauhyangz diuq hwnj daizheiq hung.



▲ Aen yisiz cuengq saenz ciengq saenz.

Fouxcauhyangz Bouxcuengh dwg vunzcoj Bouxcuengh youq yamqdin lizsij hwngfat raezrangh ndawde, aeu gij dungxcaiz coengmingz bonjfaenh, dawz fouxmo, fouxnoz, fouxgoengsae caeuq fungsug sibgvenq dangdieg gyoebuyungz youq giz ndeu, menhmenh yienjbienq baenz cungj hingz-sik diuqfoux miz daegsaek minzczu daegbied ndeu, hawj gij diuqfoux cuengq saenz ciengq saenz saenzmaed haenx engqgya daiq miz gij gikcingz cuengqlangh, engq miz gijdiy yisuz yawjngonz engq sang haenx, gyoebbaenz le gij minghhoengh yisuz daegbied de, daih cienz daih mbouj rox byaiz.

Fouxcauhyangz Bouxcuengh nyuenz heuhguh “diuqdungzbnwngz”, dwg dujva ronghlwenq minghhoengh yisuz daegbied daj fouxgoengsae mbekfaen okdaej ndeu, youq Siengcouh Yen Cunghbingz Cin、Lozsiu Cin、Bwzcang Yangh、Majbingz Yangh doengh gij mbanj Bouxcuengh roxnaeuz gij mbanj Bouxcuengh cabyouq haenx riuzcienz hoenghhwd. Gij diuqfoux de doenghyeg ndei yawj, vahloih diuqfoux lai yiengh, gijdoengh ciethoh sienmingz, diuqwenq, hoenghhaenq ndei dingq, yaem’wenq buenxndaek daegbied, biujyienj hingz-sik caeuq biujyienj neiyungz lai cungj lai yiengh, gijdoengh aenndang biujyienh lwenqda, vunzlai Bouxcuengh cungj gig gyaenz yawj gyaenz dingq. Seizneix Siengcouh Bwzcang、Cunghbingz song aen yanghcin neix mbanjmbanj miz goengsae, ciengzseiz diuq fouxcauhyangz yienghnduj. Gij fouxcauhyangz riuzcienz roengzdaej haenx, moix aen heiq foux cungj miz cit gojriuz gyaundeiz gamjdoengh vunz ndeu, neiyungz cungj comz miz gij gamjcingz sohseid ceih yak haen ndei vunzcoj Bouxcuengh, dakgeiq gij saenqyiengj nem maqmuengh simvangh caeuq gyaepgouz saedceij vuenyungz gyaundeiz vunzlai. Ndaw diuqfoux, bouxyienj naek youq bae cauhyienj bouxvunz, doedok biujyienj

gij singqgek bouxvunz, doengh gij biujyienj bouxvunz lumj liuliu, gij cingzciet roxnaeuz saeqciat caeuq saedceij doxlienx gaenjmaed haenx, roxnaeuz goenggingq mizsim cix naekcaem, roxnaeuz cocat saenzgeiz cix vifeng, roxnaeuz reuxred neuzned cix gyaundeiz, roxnaeuz mbaeu-mbengq mbinyeg cix dawzyinx, gizziz raen miz gij siengjvanh caeuq lahdawz hoenghhwd lai cungj lai yiengh de.

Mauhnege dwg cungj doxgaiq ndaw fouxcauhyangz Bouxcuengh noix mbouj ndaej ndeu. Daj ciuhgeq gvaqdaej, gij bouxvunz ndaw heiq foux biujyienh haenx couh miz gij gangfap “samcib roek saenz, caetci b ngeih siengq”, boux biujyienj ciuq bouxvunz ndaw heiq bienqvuenh yaekaeu cix vuenh mauhnege, hawj gij yiengh bouxvunz caeuq singqgek daegbied haenx yienj ndaej lumj liuliu. Fouxcauhyangz naeuz miz samcib roek foux, samcib roek diuqciengq, baulamx gak fueng gak mienh, ndawde aeu diuqciengq caet cih caeuq diuqciengq haj cih Vahcuengh ciengq lai, gya hwnj supsou gij diuqfwen Bouxgun nem diuq Fwencuengh、fwenlaeggiek daengj, ciengz yungh miz cibgeij cungj baenz lai.

Fouxcauhyangz Bouxcuengh dwg daj hainduj ciengq couh ciengq daengz daej faen bouxgiek yienjciengq, daj ciengq saenz guhcawj daengz aeu ciengq vunz guhcawj, byaij gvaq le duenhroen yienjbienq gig nanz ndeu. Cungj yienjbienq neix,

baenzbaenz youq ndaw vwnzva Bouxcuengh majhung, dwg naedgiet ronghlwenq vwnzva cienzdoengj Bouxcuengh. Diuqfoux faen song loih, cungj ndeu dwg foux cuengqcae q, cungj ndeu dwg foux saedceij ciuqei yiengh doenghdud. Aenvih de goek raez rag laeg, hawj de daj cungj hingz-sik diuqfoux ndujdaeuz ndeu, cugciemh cauhamoq hwngfat, caezcienz, doeklaeng ndaej baenz cungj diuqfoux minzczu yiengh foux ndei yawj, neiyungz lai yiengh, funggek daegbied, gag baenz dangzdauq ndeu, vih vwnzva Bouxcuengh demlai le ronghlwenq.



▲ Dangz doxgaiq yunghdawz fouxcauhyangz



▲ Yiengh foux ndujdaeuz fouxcauhyangz.



▲ Gyonglaz gyongrwi buenx diuqfoux.



▲ Gijdoengh fouxcauhyangz ndei yawj.



▲ Canghheiq geq youq gyanghongh lienh foux.



▲ Canghheiq doxhaq doxson.



▲ Mauhnege lai cungj lai yiengh.



▲ Canghheiq geq son bouxcoz diuq fouxcauhyangz.